

大清光緒十八年

本館新聞除禮拜外日出一張諸君賜閱本報者無論本埠外埠均可致本館取閱如外埠賜閱加寄費可也除日報照常刊送外復不惜工本從英國採辦釘書機各機器以待與各官商刊印書籍單件並有英國各情字及各式花邊等延有西人印工其精所有中西文字均能刊印並有石版印字大小機器均用精工刊

第三千二百七十一號

申報

(本館開設在舊巴路口門牌第十一號)

印工總絕倫前延有文士書寫各體文字現由上海購到各種書籍出售其書目另行刊佈所有各報其相宜者本館所登來札原擇其有關世道人心者附登否亦須無礙於人而後始錄其有謬屬成文以及支離費解者概不登報嗣後諸君來札尚祈自諒更須寫真爵里而後敢登但來稿登與不登均不能將原稿收回也 本館謹白

壬辰八月廿二日

凡刊印告白第一日每一字一仙第二日以下每字半仙 (凡刊印告白第一日每一字一仙第二日以下每字半仙) 大英一千八百九十二年十月二十二號禮拜三 凡刊印告白第一日每一字一仙第二日以下每字半仙

新到各種奇書發售 ○啟者本館近由上海姑蘇等處採買各種奇書發售與國誌等書來叻發售其書或銅板木板鉛板石板均無不有且其書詩書等類尤繁多有嗜嗜未嘗經見者其有於世道人心者實非鮮淺有非徒快耳目者比茲特以廉價出售諸君子欲欲先睹為快者也所有各書目價已另列單張附呈鈞覽閱者鑒焉 本館告白

電報冊出售 ○啟者本館有電報簿冊出售字畫分明篇頁井井甚合於商家所用倘 諸君有欲購買者請至本館取閱價甚相宜特此佈告 本館告白

論玩好骨董之非

昔董文敏公撰骨董十三說其中有言曰骨董有大小大骨董希世之奇珍也近代流傳收藏之家皆有記載可考無聞之人得之即可成名云云噫異矣竊得骨董以成名亦適成其為無聞之人已耳若有大經濟大功業大學問大文章傳之百世祀以千秋者其視此大骨董豈啻乎後矣嗚呼小矣林書曰楚國無以為寶惟善以為寶勇犯曰亡人無以為寶仁親以為寶自來有國有家者所寶惟賢不聞以骨董也耶非骨董而貴重如骨董者亦且有多城厚亡之戒焉乃近世風氣大與古昔懸殊其貧賤者無論矣凡夫無罪墮孽其罪誰測凜此箴規若亦既習為士大夫矣苟貨財之充足往往窮奢極慾博采賄收先奢而車馬而田產而園囿而金玉而錦繡而書籍終必大購骨董以飾瞻矚若曰我有骨董我非俗吏也我有骨董我非濁富也且使人之入其室者目迷恍惚驚為牧豕之富誇其賞鑒之宏身鼎商彝而外如周之百鹿靈漢之雙魚洗又有如杯如學為鏡為鑑或驕武陵顧氏見於內廷或眉山嚴氏見於秘府或為顧氏所珍或為賈溪所賞汗牛充棟光怪陸離而一般趨炎附勢之流亦遂冒稱鑒識近悅遠來爭釐金石以表當鑑鑒字畫以供采取幾幾乎戶限為之穿階前為之塞倘係開官或屬末秩已屬不可蓋心有嗜好樂則不得其正不堪以對君上不可以示子孫玩物喪志謂何直是將有用之精神置諸無用之地以有用之財帛置諸無用之地詎不重可惜耶若國之大位或為樞臣或為疆吏則尤不可何也大臣者一國之望天下之望四海之望萬邦之望乃不以社稷關心又不以民人繫念不為朝廷勞求後又不為國家登進賢良而獨朝斯夕斯繁情於骨董賦裏夢裏肆志於骨董古稱所謂大臣者以安社稷為悅者也今乃稱所謂大臣者以得骨董為悅者也傳之後世幾何不齒冷耶然此猶就其迹而言之也甚且有迹似酷嗜骨董而心實好貨財特以納貨則招人訕謗託骨董假借骨董可遮人耳目而其中一轉移間骨董即貨財也貨財即骨董也譬如我將索獻千金則偽以求價值千金之骨董為詞而承旨者明日即獻矣我將索進萬金則偽以假贖價值萬金之骨董為由而會意者明日即呈進矣夫天化日之中搢笏垂紳之暇竟至為此勾當乃猶忝然壓於白僚之上昂然儕於諸卿之間清夜捫心其亦抱慙念影而愧於屋漏乎此中情節節節難瞞者一般販賣骨董之商人耳彼等消息極靈關節最熟憲駕所蒞之地彼等早已羅列而待其沽毒駕必由之區彼等亦必分頭而要其賞可期利市之三倍不憚道路之重勞其所售之骨則亦購自當日賈賈之府中蓋人亡則財散財散則骨董必不能留況此等大臣亦安得有良子孫如韓忠彥李贊皇一流人物能世其貴業者哉天道好還無往不復理最確焉風聞曾有漕督某廣納餽獻幾於無屋可庀乃授意門丁巡捕會有事呈進者就督買物即以所藏之物易其銀錢而次日之所獻者仍足所藏之物依舊納入府中一舉兩得又免得販賣骨董之商人居奇而壟斷亦可徵貪贖之無厭矣夫好骨董者好古也宜尼好古徵求禮云學古有獲似與骨董絕不相干蓋好古物何如好古人之骨董者則致有濫民安內擾外可以莫天下如磐石之安秦做漢似晉如唐無益於國計民生日用飲食也學古則致有濫民安內擾外可以莫天下如磐石之安可以鞏社稷如包桑之罔也近古則翼黃狄杜遠古則伊尹周公苟篤好之情殷必名歸而實副何事秦磚漢瓦何取晉帖唐碑一為根而白之當亦爽然若失則玩好骨董之非不既彰明而較著哉

諭旨恭錄 ○七月廿八日奉 旨這所參疏防監犯越獄之管獄官奉天奉化縣典史趙汝汝著即革職拿問交裕祿與歐陽同刑禁人等嚴訊有無欺刑賄縱情弊按律懲辦有獄官著奉天奉化縣知縣劉繼

國妥為設法使爾後金銀價值立為一定勿使時高時下早晚不同致令營生者多形空礙云

大風疊報 ○昨接小呂宋來電云現有颶風在柳順北境緯線十七度之處而起其風係向北而趨云又接香港來電稱現在中國海面之西北方上又作大風其風勢亦向西北而去云

西論持平 ○陳坤山控告陳燕娘爭產之案控而失直各節均已刊登前報茲聞檳城西報論及此事云觀此一宗所判各節其於華人禮俗多有不合之端蓋華人最重係在繼後之人姑無論其為妻為妾所生均同一律即便抱養螟蛉之子然一輕一重以之為嗣即與親子無殊應請議政局將此律條為之酌改嗣後實得力地方遇有此等夫妻兒女之案宜略照華人禮俗辦理方為合法云其論如此亦可謂持平矣

譯爰之

土油又到 ○有輪船名掛勝者二十日由檳城抵叻船中載有龍葛土油二千八百箱到叻而後即經福蘭洋行起回沽賣觀近來各處土油源源而至則其價值應可為之更廉矣

案准上控 ○豐揚船主前因私煙之案在嶼訊定各節均列前報茲接檳城來信謂該船主因此一事心不甘因請將案上控業經府尊核准保出在外以便上控臬堂矣

海國奇葩 ○南洋非嶼邊羣島之東南有一島名棉奴者峻嶺巖峨高接雲漢其中景色如天然圖書幽雅宜人內有火山名曰亞保尤覺秀氣特出四時有不謝之花八節有長青之草土人蠟屐往遊者踵趾相接有西人精於格致之學前日命僮侶約登此山以拓眼界時則拾級而上履巖巖披蒙葳約至二千尺之高見有花一種其大異常度其徑約有三尺花分五瓣形如車頁五色繽紛異香撲鼻尋其根株則藤本也也揆厥命名則為高佬砂花似此奇葩收入羣芳譜中又增一段佳話矣

積款甚厚 ○美國紐阿連士日報言美國各處所積義款為數甚鉅據紐約省義款局報稱去年核計各處置備物業為施濟之用者約共銀五千四百萬元另有各小義會及私家團捐銀兩尚不在此數內去年各醫院病人在內調理者共六萬四千餘人由外到院診視者三十八萬五千餘人其貧病得領義款幫助者共四萬八千餘人三者合計之約四十九萬八千餘人云

伏莽難除 ○越南法報云東京芒溪地面素為賊匪出沒現下勢更披猖有匪黨約百餘人在天源及扼高兩處購聚時出建擾居民一日數驚臥不貼席現經法官陸續派兵前往鎮守或可小挫其鋒惟芒溪沿河電綫被賊割斷已有三四次電線總辦將斷線修復後經已回海防矣

駕言出遊 ○昨接西班牙來信言西國覓出美洲距今已有四百年西國君民現擬舉行慶賀之典葡國君主聞之議偕葡后前赴西京道喜所以睦鄰好也

而今安在 ○西八月十二日倫敦報言英將尹布羅邊士經於初十日病故享年八十歲按前者中外失和英人攻奪羊城時尹曾督率陸軍戰無不克事後英廷論功行賞封以顯職固一世之雄也而今安在哉

參贊逃走 ○倫敦報言聞上海會接北京電音謂美國駐華公使衙門之頭等參贊經已逃走故着橫濱準之美國總領事小心截捕以便歸案審辦至參贊係因何事逃遁則不得而知

車路八息 ○英京來信云英國倫敦及西北火車路總辦左治芬利繕就車路報章呈諸工務總署略謂車路建設資本共銀八百九十七兆磅每年車路生意入息共得銀八千萬磅幾與國家賦稅入息之數相同惟每年車路人役共支薪水四千三百萬磅而在各車路備工者竟多至五十萬人云

異教聯婚 ○美國紐約遞來信息言有日本人馬蘇打聘美國女童巴理為室男年已廿八深識英文女十九芳齡頗饒姿色於前日在干尼島禮拜堂行婚姻之禮當時祇有神甫及証人在堂觀者惟是該日人向奉本國教而女則信奉天主教道各不同頗難成禮諸人議論紛紛無所適從其後日本見已定誓盟勢難分散自願終身改奉天主教然後始成嘉禮焉

賊徒獲免 ○葡人某甲向在甘公巷古魯第廿七號門牌居住十八夜有盜入其家行竊業已得贓到手矣詎為甲所覺因將該匪執送交差館廿一日即解送公庭証甲詢於語言到案之時所供之語殊涉含糊難准信府憲聽其供語礙難定讞因命將該匪釋放若匪也者亦殊儻倖矣

跳火受傷 ○吉靈人俗遇其神誕多為跳火坑之戲無論男婦老幼均有為之大抵皆符術之靈故能越火坑而并無所害然其為此事也必須身體潔淨且齋戒沐浴而後為之否則無不被火所傷歷來相傳大都如是前數日適遇吉靈神誕諸人復為跳火之戲有女子名東加芝者不過生僅數齡其母抱之隨眾跳火乃將次過畢不知何故竟將女跌下墮於火裏以致被火所灼遍體俱焦登即昏然不知人事即經諸人昇回調治良久尚無起色因將女送交醫院中醫治聞女所傷甚重恐難保無性命之虞嗚呼矣

售發酒蜜



啟者本行由歐洲辦到上等密酒來
助發售其酒甚佳茲將標頭印出請
君光顧所為細認免致有誤倘有無恥
之徒假冒本行銀匙標者本行定必嚴
為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 明嗎也洋行謹啟

賣發酒密烏



啟者本行向由英國督辦各
種美酒來助發售久已遐邇
馳名茲復由英新辦到頭爾
士斗雲字號之狗頭標烏密
酒到助應店此酒香爽異常
不惟飲之可口且能保養精
神調和血氣常飲令人不生
疾病誠酒國中上品也 諸
君光顧應細看以上所列之
狗頭標府不致誤且價甚相
宜倘 諸君有欲飲者請
至本行取用可也此佈
大英一千八百八十八年八
月十五號 明嗎也洋行啟

售出酒池露喜標築蜂上頂國法



啟者本公司親由法國督辦頂上
好萬國池酒來助發售其酒清香濃郁
醇厚異常飲之誠可令人長血氣壯筋
骨悅顏色妙美無窮今市上所有萬國
池酒無有能出其右者誠佐饌中妙品
也至此酒惟本公司一家沽出餘無別
家出售 諸君光顧請細認蜂窠標頭
為記並細辨香味方不致誤價甚相宜
倘有躉份之購者祈早至 惠臨沽
是幸
大英一千八百八十八年七月二十號
大清光緒十四年五月十一日
明嗎也公司謹啟

售出品三




啟者本行督辦歐洲馳名三洋洋酒來助發售
其酒係白頭以式發售有年沽飲 諸君莫不
稱其香爽奈近有無恥之徒假冒本庄三品酒
款式以圖魚目混珠情殊可恨嗣後 諸君
買本行白頭三品酒者請細認本號招牌之內
有小紙包頭計字號為標明也公司
始無伴若此字號即係假冒請為細認特此佈
聞 大清光緒十一年十一月初四日
大英一千八百八十五年十二月十九號
明嗎也公司謹啟

售發櫥鐵名馳



嘗思營生之道所最要者則惟儲蓄其次則惟銀兩然必須有以善藏始無慮於
此本行鐵櫥所以為 諸君之所共賞也啟者本行所賣之鐵櫥久已馳名於東
方一帶而於叻坡則聲名尤著至本行沽賣此等鐵櫥已有三十年之久其製
為堅固保能避火且其匙鑰甚妙斷非盜賊等所能開計其櫥全身均用鐵製
雜成並以木料且諸櫥自前至今均為一式堅固耐無
有優劣之分至於各櫥大小
不一而價則約一百元至
四百元凡用之者可保其不
礙焚燒即火災亦無所損本
行之鐵櫥實為叻坡諸華商
所喜購而本行每年所沽亦殊不鮮茲特為之錄佈倘
諸君有意購者祈即至臨選購為盼
大英一千八百八十九年十一月廿八號
大清光緒十五年十一月初六日




明嗎也洋行謹啟

樓房出租 ○啟者打石街邊館邊即前長茂號火確之處有新貨棧六間門牌第一百十八零六號第一百十八零七號第一百十八零八號第一百十八零九號第一百十八零十號第一百十八零十一號出賃每間可貯米石二萬餘包甚為寬敞且門前臨港上落貨物甚為利便 諸君有欲租賃者請至本號面商便得特此佈 聞
大清光緒壬辰十八年三月廿三日
墊那路頭豐源號謹啟


洋貨食物出售
啟者本號親在小呂宋學督辦飛仙騎馬標鳳標及各款頂上庄呂宋烟來叻發售其烟香清味美有提神消食辟瘴之功且價甚相宜 諸君光顧請移玉至順街胡南生右鄰本號內相商便得特此佈聞 英一千八百九十二年八月十一號
光緒十八年閏六月十九日
永和號謹白

永和號正呂宋烟發客



啟者本號親在小呂宋學督辦飛仙騎馬標鳳標及各款頂上庄呂宋烟來叻發售其烟香清味美有提神消食辟瘴之功且價甚相宜 諸君光顧請移玉至順街胡南生右鄰本號內相商便得特此佈聞 英一千八百九十二年八月十一號
光緒十八年閏六月十九日
永和號謹白

新到脚踏快車出售



啟者本公司常有脚踏快車出售其車輕巧利便最能耐久且快捷異常無論雙輪三輪各式俱備前於西七月六號及九號時曾有人以本公司所傳之車與他號之車相賽而諸車中無有能若本公司所傳快車之捷者洵稱第一妙製此等車款最合於東方各埠所用而且價甚相宜 諸君賜顧請移玉至土庫街第十二號門牌本公司內面商便得特此佈告 大英一千八百九十二年七月三十號
來星亞兀禮付公司謹白

啟者特此通知本公司定於西一千八百九十二年慈民末十一號即華九月廿二日禮拜五在勿里士馬總寫字樓齊集各股份人會議各事茲將所議節目列登如左 茲欲將本公司重新開設將現在之公司撤去而本公司所有欠人之項及他人所欠本公司之項均須逐一清理以便新股開辦而新公司所欲集股份計共二十萬磅分作二十萬股每股計銀一磅其其中以五萬份作為遺清股計其銀十五萬份則每股先收十三司令四弁士之數其餘六司令八弁士公則俟至需用之時再行通知俾各股得以預便清償然其中有九千二百三十七份左右司當出與羅未地付收執若此股份常在羅告者名下則他日不能向其收取股銀凡屬股內諸君向慈屆期玉臨從長酌議為望此特白 大英一千八百九十二年九月廿三號
新嘉坡代理人底力承命謹啟

三品酒出沽

1882 GRAND VIN SUPERIEUR 1882
BEHR & CO SINGAPORE
Cecile Hardier
Cuvée de Réserve
Sole Importers for Straits Settlements and Netherland's India

啟者本公司由歐洲辦到上等酒甚多來叻甚美且價亦相宜茲將此酒標式附登如中請君購而飲之細辨香味方知此言之不謬也 特此佈

萬國池酒出售

A. ROCHER & CO
COGNAC
啟者以「標頭所列之星標萬國池酒香味甘濃最稱美善飲之不惟不醉且可娛心養顏其益莫能殫述茲由歐洲辦到來叻諸君沽請認明以上所列標頭為記庶免有誤特此佈聞
大英一千八百九十九年九月二十號
羅買公司謹白

會情由其語頗詳用昭列登如左 大英國署理叻嶼申華民政務司正堂黎 為曉諭事現奉 督憲札開自一千八百八十九年 國家遣散各天地會之後即有閩人陳永端即陳大魁具稟到轅請將供泰玄天上帝之鎮武廟一併按例註冊彼時 國家讓信該陳永端存心行善開建廟宇利便華人因即俯如所請准將鎮武廟一會註冊在案詎意此會心懷叵測其所以稟求註冊之故實為利己起見日藉廟宇為名暗將承全堂公司復開似此任意欺欺斷難輕恕除飭將該鎮武廟會黨立行遣散而外即仰華民政務司出示通諭各色人等週知毋令該陳永端得以藉端鼓或誣騙無知之人捐毀緣欸以飽私囊等因奉此查承全堂公司前會建堂滋擾胎害無窮故經 國家將其清散永遠不許改端復開而該陳永端及其同黨之人竟敢藉廟宇為名希圖再逞其不法之心合行示仰各色人等知悉該鎮武廟一會現經 國家按例禁除嗣後如該陳永端即陳大魁及其黨人仍敢照前開設或辦理會中事務如指題演戲出喪等事者一經查出定必嚴拿解案肅法而微以警効尤為此諭知各宜凜遵毋違特示

截獲逃犯 ○廿一早有法國奧路濱郵船由日本地方抵叻該船入口之際即經游辦巡捕官實株城君親到船中將該船搭客西人奧刺一名執獲派交於憲查突本美國人向在日東貿易近因虧空鉅款以致潛逃事為有司所知知經美國駐日領事發電來坡與美國駐叻領事官即經美領事轉聞國家請將該犯截獲解回東瀛訊辦本坡有司經悉來電故特至船中將其執獲也

難婦還回 ○十八日有大打士輪船中載有粵婦梁亞帶一口係奉嶼官之命將其遣送回華者查婦現年已二旬有八於前月尚在華偶被歹人誘騙至於嶼地因欲鬻諸娼院嗣經嶼地護衛司傳訊以其供語含糊因再細詳推得知其故遂命將婦送回華海即命該船載往惟認船抵嶼勢須起落貨物運週一二日始得過行而本坡護衛官早接嶼地來文故於該船抵叻之時即飭差至船中將婦暫帶來坡交保良局中安置俟該船在叻起落貨物已畢將次啟行之際始將婦送返船中云

混鬧責保 ○前日有閩人黃益赴護堂訴稱向以駕馭馬車為業與其同鄉人洪隆同在打石街某屋中居住洪亦以駕馭馬車為業者事因前者已在房熟睡不知何故洪妻潛入已臥室中為洪所見不分皂白遽執而痛毆且云欲糾黨以下毒手心甚懼懼故特到轅求為保護云云護以據報傳洪至訊問一切據洪則謂實確係與已妻有染適為所見節節喝問詎黃恃其強壯反遭毆打云云言畢復袒背背驗果有傷痕一處護政據二人所稱各執一詞因命將案轉送府堂二十日經府尊提訊以此二人所言均係混鬧之事因知二人均為無賴彼此纏混爰命各覓保人署立保券五十元保其六個月不再滋生事故如無保人則各監禁廿一日以示懲儆

- 捐數錄登 ○茲將潮州幫再續題捐創建同濟醫院緣欸各芳名在左 陳兩成捐銀四百元 楊隆發捐銀三百五十元 南盛成 捐銀三百元 許恒泰 陳華興 以上各捐銀三百元 勝興捐銀二百五十元 裕和捐銀二百四十元 振榮捐銀二百元 萬順隆 成發 黃和合 以上各捐銀一百五十元 來成 恒茂 以上各捐銀一百二十元 利成 永和 兩合發 黃拾成 承順源 泰裕成 以上各捐銀一百元 慶順成 佳記 福振隆 以上各捐銀八十元 萬順發 永利元 萬振隆 以上各捐銀六十元 財盛 兩發 財順 陳源成 林合發 豐源 以上捐銀五十元 森峰棧 萬生棧 陳順發 富利 泰來 裕記 以上各捐銀四十元 振峰 兩順利 李乾合 織成 成春 廣裕成 以上各捐銀三十元 添順豐 相銀二十拾五元 伯順 福合 泰記 盧永昌 德懷 利順 永美豐 經和成 廣德隆 謝信成 陳泰興 林和源 光裕 廣和成 源成 榮茂 以上各捐銀二十元 同濟醫院啟 此稿未完

烈女出殯 ○江漢關道孔觀察之長女年廿八歲於上月中旬仙逝傳聞女已許字旋因不祿女貞節自持至此遂以身殉廿二日將靈柩送至漢鎮洪益巷培心堂暫厝一時執紼而送者車馬塞途文武印委各員以及善堂首士均以白衣冠相送又有洋鎗隊一路護衛掘比學憲孔宗師列全副儀仗渡江中唱前晚聯字貞靜本性分中流出鍾尼山秀比泗水清巾幗有全人綽髻乎光爭日月賢孝從從語內得來揚形符芬垂青齊簡絲綉旌烈女凜凜然操勵松筠

選錄京報 ○掌四川道監察御史臣余聯沅跪 奏為大員劣跡昭著特列欵糾參請 旨飭查以肅官方而整綱紀恭摺仰祈 聖鑒事竊臣風聞升任山西巡撫安徽布政使阿克達春人甚昏庸不諳文理專倚幕友瞿介臣閩人鄒姓為左右手往來公牘均由彼二人閱看定奪以致把持搖無所不至遇有優差優缺必經彼二人議定價值始行札委李成霖補甯國府缺餽銀三千兩翟姓鄒姓各得銀五百兩吳本仁代理旌德縣缺以使女送翟介臣作妾與閩人鄒姓結為弟兄又聞其最喜收拜門生甯國府中拜門生者如松嘯袁秉楷蕭允文等府州縣中如李成霖孫詞林王煥吳本仁等一時有大十二郎名目委一優缺員稟辭時必親手持贈印箱一枚取心心相印之意虧按時餽送又院省支應局聞向有存儲銀十數萬兩其到藩司任後乃巧立公費名目隨時提用署中幕友家丁僕婦使女按月向局中開支虧額甚鉅以上各節皆院省官場人士所傳播臣職司糾彈既有所聞不敢安於緘默是否屬實相應請 旨飭查以儆官邪愚昧之見是否有當伏乞 皇上聖鑒 奏奉旨已錄

退股聲明 ○啟者牛車水武吉巴梭街第九十九號門牌廣南隆號原係余周輝山與羅任二人合夥經營向無所異茲因余周輝山志欲別圖業於本年閏六月二十八日即將該號生理截止遂全請到 公親鄭騰初老爺駕臨秉正核算清楚因將該號全盤生理及店底傢器等項概歸羅任持據經營嗣後該號生理盈虧與余周輝山無涉倘 諸賢號有與該號交易往來以及借揭匯對等數惟向經手是問亦與余周輝山無干先此聲明以免後論此佈
大清光緒十八年八月廿一日
石叻廣南隆號周輝山謹白

頌德 ○啟者做號成豐向在王家山脚開設為椒蜜生理平素營生安分事因本月初十日偶被匪徒暗插私烟二枝於做店之內以圖陷害旋往萬成興烟公司報聞其事即經公司到拘果經將此私烟押獲即照例將做店之人送案但做店自念并無有暗藏私烟之事此必被人所害因將此事向烟公司訴明荷蒙 東主謝君自友總理謝君朝陽總巡林君冬佑諸君詳細稽查果知此事係屬冤誣因即到府署轉銷此案而做號遂不至被匪徒所害是皆謝君等諸君子仁慈明察故得立白其冤做號誠德莫名愧難酬報爰將此事刊登報端庶得見萬成興公司辦事之公平正直其種德於閭閻者實殊非細焉此頌
光緒十八年八月廿一日 王家山脚成豐號東主吳美發謹白

渣甸輪船行期 ○啟者茲有渣甸輪船名永生大有一千五百一十七噸於西本月八號即華本月十八日由加刺吉打起程定於西本月十七號即華本月廿七日即能抵叻上落客貨畢即展輪往 香港 福州 臺灣 上海 漢口 天津等處諸君有欲附貨搭客者請至本行相商為望
大英一千八百九十二年十月十一號 大清光緒十八年八月廿一日 莫實得洋行謹啟

輪船往來叻事日期 ○啟者本棧有快捷輪船二艘其一名曰鑽沙第二其二名曰磅柔係為常川往來石叻廠內地方茲定西本月十號即華本月二十日禮拜起由叻開行前往廈內其在叻開行則定於上午十點鐘起至十一點鐘止展輪前往約至下午四點鐘時即到家內誠為航海中之堅固快捷輪船也倘 諸君有欲附航配貨者請即移 玉至本棧面商便妥其一號客位價銀一元五角二號客位價銀一元併此佈 聞
大清光緒十八年八月十八日 黃瑞真謹白

退股聲明 ○啟者水仙門街第六百廿三號門牌洪盛號印字生理原係喬敬業即許襄裳與任炳才合股同創係許襄裳為司事現喬敬業即許襄裳志圖別業將該店生理一概頂與任炳才任同發承受業經退股而許襄裳亦將司事之職辭去日後該店即萬友軒所有一切事宜以及來往數目等概為任炳才任同發二人自理與喬敬業許襄裳無干先此聲明免滋後論
大清光緒十八年八月十八日 喬敬業許襄裳同白

木料出投 ○啟者本館定於西本月十三號即華本月廿三日禮拜四下午二點半鐘在加籠路第八十一號門牌廠內拍賣買來耶木板共六千塊此板大小俱備又買來耶木塊八百件亦大小俱備此木甚為精美現已置於該廠中以備諸人觀看 諸君有合意購置者祈請屆期 惠臨拍買此佈
大英一千八百九十二年十月八號 吧越館主謹白

承頂聲明 ○啟者牛車水士美街第二號門牌萬合成酒店原係蔡萬泰開創茲因蔡萬泰志圖別業願將店底生理全盤頂與林崑陞承受定期一月交易先由林崑陞將該店改為陞茂號仍作酒店營生日後生理盈虧概與舊人蔡萬泰無涉倘蔡萬泰有與 各賢號往來交易未清之數均向經手是問不干承頂人林崑陞之事先此聲明免滋後論
大清光緒十八年八月十八日 承頂人林崑陞謹白

聲明告白 ○啟者新嘉坡小坡梧槽律舊芒班讓路必街門牌第一百十四號福和號于草雜貨生理原係楊瑞宜娘陳春生許輝山合夥全創茲因志圖別業欲將該號生理頂與別人遂請到 公親劉水破老爺駕臨即將福和號全盤生理核算明白因招到陳茶許碧楊瑞鳳三人前來頂受即將福和號全盤生理以及貨物店底家器等概歸陳茶許碧楊瑞鳳掌握經營任從改換店號曰泰利號他日生理盈虧均不干楊瑞宜娘陳春生許輝山之事倘 諸賢號前有與福和號交易往來向有 轉轉不明等數請自本月十七日起限至本月廿三日止此一禮拜內應即刊單前來與福和號協瑞宜娘陳春生許輝山等當堂理楚如若逾期不來係為自誤概與泰利號新人無涉先此聲明免滋後論此佈
大清光緒十八年八月十七日 泰利號 陳茶 許碧 楊瑞鳳謹白

難容作偽 ○竊以烟葉之真偽關係人身之損益本號開庄以來俱行親到鶴山芸蓼等處採辦正地道名烟不惜工本用心法製均臻至妙食之誠能化痰消滯清毒解難祛使寒邪辟除瘴氣非徒利於口腹實有益於身心者也素蒙 諸賢賜顧歷有年所故能中外馳名乃近有無恥之徒希圖射利不顧羞惡以偽作真假冒本號招牌標記處處傳騙貽誤匪輕似此喪心昧良於斯為極本號查明查暗訪早知其某在某處混裝何難報案糾簿以軍道待人向望其改過自新也切思如果貨色真裝儘可自開門戶又有必借他人之冠裝而壯自己之體面哉嗣後加敢仍前假冒定必稟官懲治一經拘究法有難貸慎毋輕視自貽伊戚勿謂言之不先也 諸賢光臨請認小號招牌金鹿為記祈細認貨色庶免魚目混珠無辜棍徒欺騙是所欣幸特此佈告
大清光緒十八年八月初一日 新嘉坡牛車水街朱有閣謹白

辨明告白 ○閱星報所影聲明一節中云聯郊配寄等事可知前非合夥即事有未洽亦各行其是巴也何必聲明若論改設校內小夥振興號黃君金獅李君長城陳君培材等來往賬項彼來五帶計銀一千九百一十元左右此配去五帶紗布等皆共銀一千七百八十元左右兩相核對後所差者不過一百餘元似此零星數尾何難找結清楚俾得兩家無事而所以未曾找楚者此中情節即明人能理洞徹其隱豈好辨哉若不瀝誠恐疑信參半故白 大清光緒十八年八月初七日 叻利棧陳德音謹白

金葉發兌 ○啟者本號自煉頂上十足赤金葉發兌向在香港找換歷年未有分枝別單屢蒙富客光顧帶往外洋發售遠近馳名茲特開枝一店到叻馬路木街 南泉隆號內找換金砂首飾十足赤金葉生埋貨真價實童叟無欺 貴客光顧請移 玉步到漆木街南泉隆號內面議便合特此佈 聞 大清光緒十八年八月初六日 寓叻全盛號謹白

種痘神手 ○啟者余於痘科一事不憚心力精益求精前在英京學習有年能用藥針與人種痘可令延種之兒并無痛楚最為穩妥而痘漿則由法國京城寄至每禮拜均有新漿到叻倘 諸君有小兒欲種洋痘者若抱家本館則每枚收銀一元半若延請到家則每枚收銀二元且經種後予必時到看視以全愈為止并無回漿等弊而本館并常有痘漿發售每筒價銀二元 諸君有小兒欲種洋痘者祈早 惠臨為盼 大英一千八百九十二年十月四號 新嘉坡大馬路第一百八十五號門牌新同興藥房內痘科醫牛耶牙加美勿里士白

刺查金礦有限公司告白 ○啟者特此通知現在勿里士萬之總理及協理人等業經議定本公司前者議取第五次之股資原定於西一千八百九十二年六月十四號即華壬辰年五月二十日收取茲再通知凡諸股份人等若未將此項交出者即於一千八百九十二年屋多末八號即華壬辰年本月十八日以前或在勿里士萬演龜因實得力第一百二十八號門牌本公司總寫字樓或在新嘉坡土庫花園邊第三號門牌寫字樓交納如不照期償還本公司定將其股份充公再者現本公司欲將舊項裁清再行新創則此項斷不能再為容情延緩也特此預聞各宜自諒 大英一千八百九十二年九月二十三號 大清光緒十八年八月初三日 駐新嘉坡代理人底力承命謹白

賞格大銀一千元正 ○立賞格字人報窮司家疏綠本坡山仔頂承元財記之薛遇財於一千八百九十一年倒帳窮窮在案調查其數目不直他恐有礙故致私逃前經立賞格兩次有知其下落者前來大略報知謝給花紅銀五百元茲該債主再議加添五百元不論各色人等自實添末十四號至屋多末十四號止一個月內有能掠得薛遇財抑或知其住處者前來報聞願謝花紅銀一千元決不食言此佈 大英一千八百九十二年九月二十一號 新嘉坡報窮司謹啟

精選名茶 ○一杯解醉松風飄雀舌之香三碗搜腸活火煮龍芽之品自來酒國應讓茶神啟者本庄親赴名岩勝地採來各色名茶選擇固精收得法向在爪亞各內埠銷售幸能遐邇知名蓋緣氣味清香不寒不燥清心保肺益胃除煩實茶品之上乘非同漁利為心實欲後名遠播 諸尊賜顧者請認本號標頭細辨此茶氣味不致混同魚目自能品別蕪發矣每連八斗合一兩庄價甚相宜請試嘗之便知余言之不謬矣 大清光緒十八年壬辰七月十六日 寶住叻舊巴風樓土庫 遺其 茶庄主人謹啟 大英一千八百九十二年九月六號 街振利棧陳德音發行 源隆

賞格高懸 ○立賞格人梧槽巴武門牌二十七號豐源住宅黎順娘啟者余有金器首飾及銀紙等件甚夥係為寄貯於小坡福音館對面門牌七十五號永盛住宅戚國家中向來無異因各金飾係裝在夾夾之內甚為封固不意於十九日余到戚家檢點各飾竟已不翼而飛最痛白銀竟無一存然究不知阿誰作盜竊已即行報案候緝按所失之項合共計銀一千四百五十元之譜倘 四方君子有知該盜所為果得悉其真贓產據即赴於豐源住宅內報明願隨送緝盜案究辦即將所得回贓物之項願為分半給賞決不食言此字是實此佈 大清光緒十八年七月廿四日 梧槽巴武豐源號內黎順娘謹白

工部局告白 ○啟者本局所訂可以充當工部局員及可以公舉局員之人芳名冊籍業經編定登於本月廿六日憲報內以備諸君查覽或到本局觀看均無不可如有照例可以充當局員或可以公舉局員而本局有漏未列入者可以隨時函知本司理人并將其姓名列出及其所以應為局員或應舉局員之處聲明以便為之補入是為至要特此佈聞 大英一千八百九十二年九月二十號 大清光緒十八年七月三十日 工部局司理人波兀刺士謹白

麥加里打公司告白 ○啟者本行常有船中所用各物及機器所需各物出售各貨均由歐洲辦至最為上品所有尺磅磅皆足數並無短欠亦有船中所用帆帳篷等物均用上等帆布以機器縫就且價甚相宜并有越申士公司 VVO 標頂上威士枝酒出售每箱計十二樽價銀六元又威仁乃三品酒大樽者每箱十二樽價銀十五元中樽者每箱二十四樽價銀十六元小樽者每箱四十八樽價銀十七元又酒鑽標之白蘭地酒大樽者每箱四樽價銀九元小樽者每箱八樽價銀八元又頂上舊西里酒大樽者每箱十二樽價銀十元此酒均屬上等香味芬常 諸君合意祈早 玉臨選沽為盼 大英一千八百九十一年十二月廿六號 麥加里打公司謹啟

麥加里打公司謹啟

紅頭仔標萬蘭池酒出售



啟者本公司所製之紅頭仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有數十年方肯出而沽賣故其熱氣概已全消

所以 諸君沾飲者均深獎譽在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沾飲者無不盡稱其美且此酒與本坡天氣甚屬合宜 諸翁賜顧祈細心辨認紅頭庄及以上所列各標頭并有來士古乙

正金鐘標萬蘭池酒出售




啟者本公司所督辦正金花鐘標萬蘭池酒久已馳名叻地華藉諸君子均喜用之現已議定與本坡酒公司包銷以應客沽凡有欲零購者請至酒公司沽買便得如買成起以便配往外處者仍可至本行沽買至此

製造之法精妙其酒酒味甚清以之為釀者皆為上等之料以無偽九之弊此酒若在本坡沽飲甚為合宜且價亦甚廉諸翁沽用須為留心辨認以防魚珠之混因
新嘉坡五坡呼巷公司
專辦祖家頂上美酒
小東居庄居九頭明認

鐵櫥

本號輪船往來各埠定期列如左
在各埠往實叻日期 在實叻往
麻六甲每逢禮拜一五日下午四點
暹羅開行 由麻六甲往芙蓉每逢禮
拜二六日中午十一點鐘開行 由
芙蓉往吉隆坡每逢禮拜二六日下午
午六點鐘開行 由各埠回實叻即
日 由吉隆坡回芙蓉每逢禮拜一
四日下午四點鐘開行 由芙蓉回
麻六甲每逢禮拜二五日上午十點
鐘開行 由麻六甲回實叻每逢禮
拜二五日下午四點鐘開行 另有
輪船在叻往麻六甲吉隆坡實蘭午
每逢禮拜五三點鐘開行特此佈聞
豐源號謹白

鐵櫥



啟者本行所售之鐵櫥在本坡馳名已久素蒙 諸君購用無不盛稱其妙計此櫥之大小共有五等而價最少亦在九十五元以上而此鐵櫥乃歐洲著名工師所製極為美善本坡所有西人齊智人以及作椒密生理諸華商多向本行購買以為貯銀之用因本行所沽者均用上等物料製造而成不惟能壯觀瞻並且異常堅固無論火燒盜劫均保無虞實美價廉莫此為甚倘諸君有欲購此櫥以收藏重寶可至本行選閱是幸也
英一千八百九十年正月四號
不殺呼聲公司 啟
加珍目至殺公司謹啟

拿模只公司等西字為憑庶免為珠目之混是所切禱
大英一千八百八十九年 拾二月三號

不殺呼聲即前加珍洋行謹啟

天

可以上列各標頭本行不... 字者即為假貨幸勿為之
大英一千八百八十九年十二月三號
不殺呼聲即前加珍洋行謹啟

現在市上假冒者甚多

動據報先期公出惟未能先事豫防亦難辭咎著交部照例議處仍勒限將逸犯向萬春嚴緝務獲究辦餘着照所議辦理該部知道欽此

非洲電音 ○二十日英京發來電報云法國派駐非洲西境之軍現與拿荷美人爭戰其勢甚狂云云觀法拿兩黨屢爭端正未悉其何時方能底定也概夫

法國電音

○二十日英京發來電報云法國各日報近常有言旅越越南之法人常被匪徒傷害我法國亟宜將此一事向中國總理衙門訴說因東京諸報多係華官主使令與法人為難者云云云云法報所言大都如是此其荒謬之處不可概見也乎

離散電音

○二十日英京發來電報云新麗如銀行倒閉一事現經該行董事人等出有報章言該行所欠諸人之項於西明年正月內每磅可先攤償四司令之語然再閱三月則可望再能多派云

英報船抵地定期

○刻接前途遞來電耗云英國郵船名士力於本月十九日由高浪灣展輪定於本月二十五日禮拜六即能抵叻上落客貨訖旋即啟行前往 香港 上海等處茲特登報以誌

港中野虎

○虎猛獸也當處於山乃竟舍嶺谷之曠僻作波濤之游泳是則其威已失無惑乎其斃於舟人矣二十晚約八點餘之際有舟人七名駕駛三板由浮羅島駛往峇株浮底地方該港不過僅約半英里之遙距方半渡之時忽有一虎覺泗水裏適為舟人所見即羣以槳擊之遂將該虎擊斃然後載之而歸

坊工歇路

○閩人吳建向操坊人之業其一為工部局所僱在打石街充起造之役不意其屋忽然倒下致將吳壓倒迨經起出即已斃命矣生死無常可勝浩歎

強詞奪理

○西報言前曾論說謂從來印度饑荒之患因種植粟穀佔地過多以致耕種五穀寥寥無幾此饑饉所以頻仍也有印度報云而駁論曰此說言過其實蓋印度饑饉多因雨澤稀少致成荒歉鴉片一物不獨無損於凶歲且於凶歲甚有益何日且有 報復弊者朝夕雨霖不過循行故事耗費無多故前者饑荒之時米珠薪桂人多改食黑糧救回生命不獨此而已且凶荒之後癘疫隨之惟 吸此煙乃可以除瘴氣辟惡疫是鴉片之有益而無害即此可見一斑云云夫阿芙蓉一物流毒人間害多益少盡人皆知茲特見其利而忘其害非通情之論也但此物為印度所出雖鴉片之產戕人之生伊亦何肯明言緣此為彼國入息大宗上下支皆從此出若必謂其有損人國是直以己之才攻己之盾故不得不作違心之言也故識者謂欲得印度禁烟必使其植茶出息與烟利相將方可如願以償否則彼但知惟利是視秦越人之為肥為脊彼實何暇關心哉

擬增人稅

○小呂宋金馬蘇報言聞呂宋官員現議增收人稅凡華人之到飛列邊各口岸者須給銀五十元云此信果確華人之往小呂宋等埠欲作蝸角之謀而覓蠅頭之利者愈覺憂憂其難矣

賊匪難靖

○東京賊匪擾亂法人屢錄前報茲有友人自海防來談及賊黨之眾遍處皆然一經法兵進剿即鳥獸散各處煤礦皆有勇丁駐守以防攻擊而鐵路監工法員鑑於前車凡有出入必得人護衛方敢來往適日賊匪亦有投降者蓋此輩因覓食維艱故欲改邪歸正也

法俄畫約

○茲據英京消息言法俄兩國所議之盟約已經法總統嘉納往俄國時密行簽押此約係言俄法兩國倘一國有戰爭之事則彼此相助以作唇齒之依蓋亦效德意奧三國聯盟之意也

荷軍叠挫

○荷人之圍亞齊已二十餘年於此矣不惟不能得其土地并且時多挫辱其軍屢敗於齊人然則荷心雖貪荷力亦疎細矣茲接亞齊來信謂前日有荷兵一隊奉命至南陵與南務魯交界之區開墾荒地忽與亞齊直兵附近齊人所築炮臺之處為齊兵所見即燃炮轟荷兵轟擊荷非其敵以至狼狽而逃計荷隊中死者五名傷者則多難悉數嗣經軍取回向統領訴苦其統領怒甚即大興十馬於數日後再行進剿復與齊兵鏖戰良久卒以不能取勝以至敗回是役也所幸尚無死亡乃統領心仍不甘越數日復起大兵四五隊往為復仇之計而依然不能獲勝反致大敗而逃死亡之數尤多計荷國兵死者九名傷者三十餘名其狂狃情形實有不能名狀者今荷雖雖切齒忿恨然自領兵精力弱無奈齊眾之何現在已將此事詳奏荷京請再增派兵軍以平此地在其心則固侈矣但不知果能如願以償否耳

報德情殷

○數年前有土耳其其戰艦名依多官柳者久駐軍中嗣奉其廷命發有寶星等物曾往日東嗣在日本海上沉溺船中諸人因而斃者以百數計當時日本有司念該船係因餓餒本國之事而來自出出力為之援救將船中諸人拯起其尚存生命者則託法國郵船送之同歸而乘輕艇命者即為之妥為收葬并暨碑紀其事實更使人四處為之擄取各物當經傍回巨炮毀門其其他物件亦官發封貯該郵船寄回上國深感其情業已餽物於日廷以申謝制矣茲悉土廷追念法國郵船當日將諸人物贖回之德不能置於懷故特製寶星二具一賜法國郵船公司之總理一賜該公司之主庫施文士以誌其德云

禁示錄登

○本坡鎮武廟會館前奉憲諭將其遺故本報早已將憲報所登錄於報版茲聞華民政務司黎君禁示一道係言禁止該

禁示錄登

禁示錄登